

相 法 如 神

浙江高雲軒先生
去冬決我今春必
得偏財新正月果
得意外銀千餘兩
說項未必週知故
登報鳴謝欲問休
咎可至永勝街口
平安紙店二樓
癸未二月吉日
番禺黃心季識白

報

苞苴率由鄭六關說而成追路喧傳眾口如一鄭六者協辦大學士文煜之家丁張福乞養子也憑藉張福開設木廠蒙捐都察院經歷志和任崇文門監督時派鄭六爲前堂驗貨家丁兼辦後堂委員事彼時各委員無不羞與爲伍上年內務府承修銅練寶匣等工志和又派鄭六爲商人夫鄭六一市僧耳忽而爲家丁忽而爲委員忽而爲商人皆出自志和一人所委其親任市僧敗壞官常莫此爲甚如已革都察院左副都御史崇勳因與市僧往來奉旨罷斥今志和之偷情卑汙幾不堪與崇勳相而論又如去歲臘底內務府之路遺苞苴其門如市此皆道路之人所睥睨而訕笑者也奴才職非糾彈且與志和素無嫌怨良以朝廷詔求人才力圖整頓若偷情卑汙之人苟安尸素將何以儆官邪而伸黜陟相應請旨立予罷斥抑或特簡公正大臣秉公查辦勿涉瞻徇之處伏乞 皇太后 皇上聖鑒爲此謹 奏請 旨奉 旨已錄

二月十三日 督撫憲轅報 候補同知葉樹晉 亮俱 欒知在武廟演舉畢雷州府孫稟辭赴任候補通判談恩錫錫銷解香臘貢差候補縣何斌稟銷差提解永安京控人証回省候補縣何福海稟謝超委守催南番兩縣傳龍錫錫等發讞局審辦○揭欠投案 前錄城西某甲以其子賭蕩花消借人錢銀恐干不便遂以先發制人之術先赴邑宰遞呈隨赴廣州府及臬司督撫轅控告周姓引誘其子賭博輸去銀兩勒寫揭數以飽私囊官憲細閱呈詞飭差傳訊茲聞此揭數乃某銀號者也向在太平街開設已歷年所凡與揭借皆生意場中人並無賭博等事今以無端誣陷而且貲本難歸同行各銀號大爲不平以此事若被控成則將來稍有揭欠即以誘賭爲辭以致拖欠互相效尤禍伊胡底遂集眾與值事伍國平等聯名赴廣州府呈訴肅太尊批出略謂此案由兩院憲仰司飭府行縣集訊因原告潘麗泉爲其子潘月卿私逃拖欠銀兩遂謂周寶瑜誘賭簽傳實訊被告周某等於去年以揭借銀兩立單存據瀝情呈訴而潘麗泉以隱匿爲詞再圖上控今周寶瑜既已投案備質何以潘麗泉屢傳不到其中顯有別情仰南海縣飭差拘傳潘麗泉潘月卿到案分別虛實以觀水落石出毋稍延緩焉

渡船沉溺 省中連日大雨滂沱霖霖不輟十一早風狂雨驟船艙驚心有貨艇駛至白鵝潭海面幾爲封鎖所覆幸近河邊不致沉溺又聞順邑桂州鄉渡船於是早啟行至石壁地方猝遭沉溺其艙內男婦約有二十餘人皆問諸水濱得生還者不知多少亦誠无妄之災也諺曰行船走馬三分險洵不誣矣往來海道者尙慎旃哉

○花舫續聞 昨錄珠江河道近載單一帶船艇被人控告勒收陋規茲聞其指控

新

者以鯉塘爲詞請官拘逐而近日此等之船艇亦立一例凡在此停泊無論大小不得絃歌以免有所藉口焉○悔婚事息 洞神坊悔婚肇衅之事連日理論莫衷一是後得街鄰及四廟公局調處仍以先娶入門爲主者婦翁寫立字據不得反悔其事始定惟未悉何以處後聘之女也

中外新聞

論曰官識治體 國家之設官非徒使居高位享厚精養尊處優待梁齒肥安靜無爲謂能崇體統資鎮懾也蓋將有利必興無害不除上足以益國計下足以裕民生也夫國之於民名分雖殊情誼則一國憂則民不能獨樂民樂則國不致獨憂故古者藏富於民所欲與聚所惡勿施而朝野上下氣脉流通欣戚與共也今世則不然所謂官者不問民間之利弊惟期宦橐之豐盈求其通達治體者亦往往難之此吏治之所以不逮於古而國家自此多事民人由此漸困也昨閱東瀛報言日本有奸商故漲米價互賣空票以致生意場中大爲減色地方官得知其事特飭差拘究以期杜絕奸謀轉瞬市面其被拘到案者計不下數百人仍恐陽奉陰違流毒未已復移各橫濱神戶各口岸一律查究在未明具實之苦心者必以爲貿易之事與官衙無涉若如此辦理不獨案牘煩滋且關關騷擾甚無謂也不知空買空賣事屬捏虛情同棍騙無賴者則以爲得有生機殷富者則難免無窮拖累此並不能援固積居奇爲之相提並論也蓋固積居奇祇屬壟斷之爲欲市中贏利一網打盡以致有無難以相通病及編戶之民若有人從外路多販運至則其術立敗而民仍不致受敝也若空買空賣則一日轉手數千買者不知物值若干賣者惟欲其事速成而惟聽經紀往來說合言多杜撰情多虛僞一時快聽遂墮術中而究所稱爲今日某人得成某盤獲利若干昨日某人得成某盤獲利若干均屬空談並無實際糾纏輾轉治絲而焚苦不清楚楚求其尅日交割轉轉不可得如去歲港中炒舖一事終日營營舉國若狂凡爲經紀所愚弄者方私心竊喜以爲有生以來不可多逢之機會買入某舖則獲利鉅萬賣出某舖又獲利鉅萬而經紀復逢人稱說曰某翁固驪獲鉅萬也旁人聞而艷羨不置者亦曰某翁又倖獲鉅萬也當此之時莫不以爲石崇不足擬其富鄧通不足比其豪庸詎知所謂鉅萬者祇在紙上而已交出之銀不可復還未及數月情現勢盡遂潰敗而不可收拾然此猶曰自我得之自我失之無復可恨也惟銀號則因以倒閉矣各貨則總難暢銷矣比及至今而各行貿易悉形竭蹶無論大小商賈向與說及生意若何悉皆搖首太息豈非空買空賣之無益於貿易場中此其明效大驗哉由此言之貨財生殖必當計及久遠心計雖工斷不能憑虛播弄若狡獪得施其巧則殷富必受其累而貧民生計遂亡

國貧
有得

是日蹙突古人足財之道必使貧富不相耀有無得相通各謀所利即各得所願而家給人足比戶可封故其時富者固擁厚貲而貧者亦得餬口國藉十世之墓家承百年之業士食舊德之名氏農服先疇之畎畝商循族氏之所嚮工用高曾之規矩所以民康物阜而社稷長久也日本立國東瀛政俗樸茂近雖步武泰西習氣一變然遺風猶有存者故其官亦知勤民而識治體如此也夫豈尋常俗吏之所能及哉

西報論越南事 西報云越南之事邇來中法兩國爭論不已噴有煩言法國廷臣以駐紮中京公使材識不逮難資得力特爲調回而另簡能員前來中國務期堅持且議克集厥事惟法國近於辦理外務其臣工內多不協以致廷臣更換頻仍彼進則此退紛擾不已殊令人難測前者駐京公使與李伯相往返商議經擬將越南土疆分定界限其近法國者則由法國管轄其近中國者則由中國管轄聞有成議惟總理衙門各大臣意見不合爲奏中朝遂將此議作爲罷論蓋以越南素爲中國藩服其情則同於朝鮮其勢則切於伊犁也朝鮮之不能折入日本猶伊犁之不能併於俄人越南事同一律故中朝必不肯拱手而讓與法國也然法國割有西貢已歷十餘年今又乘便覲利以取東京得尺則法之尺得寸則法之寸豈又肯罷手退還乎故觀此情形越南之事將必決裂不能如與俄人之爭伊犁日人之爭朝鮮也越南毗連雲南廣西犬牙相錯輔車相依土膏腴沃又與伊犁不同故俄人可棄伊犁而法人不可棄越南也若兩國爭論不已固可決其必出於戰也西報所論如是譯錄之以供衆覽

電音 倫敦發來電音言英廷現擬在阿爾蘭島帖巴拉里地方新設官吏以辦理是處民事且資約束俾勿滋事焉電音又言阿爾蘭有土人糾眾聚於丹標蘭之地以謀滋事英廷遣官往爲曉諭使速散歸以安生業而其人仍恃頑弗恤焉○定期賽走 旅港西人設有要樂會及時舉行以爲樂事且資練習茲定於十八日齊集各西童在較場賽走以別優絀而給獎賞焉○途中被刺 橫濱報謂正月二十四日下午五點半鐘經巡差在途中見有一人僵臥路旁面如灰色蓋以爲酒醉也僱車載回差館詎其人早已氣絕惟身體猶溫遂請醫生往驗則見左脅有刀傷痕爲臬官存案並飭差查究其事後經訪得兇手乃橫濱救火人佛他路也遂拘到案交官審辦先是三點鐘時有人在橫濱水車館對佛他路言友人施近命其前往幹事佛他路遂隨之去及至四點鐘又有一人到水車館言佛他路所幹事殊非容易汝等宜往相助館中人皆以爲妄付之一笑至五點半鐘則巡差昇有屍至差館矣因此喧傳佛他路所幹者卽行刺之事也查其起衅之由則因爭妻所致也蓋佛他路與死者同居屋而

居其妻習慣相見遂不避面而佛他路賭賭好作孤注妻常惡之死者微窺隱情倍致殷勤遂私焉久而露水鴛鴦竟成匹偶妻棄佛他路去而與死者謀偕老焉佛他路見其奪己之妻恨之刺骨屢欲尋仇然無隙可乘遂命人偵探消佛他路出不意刺於途中也

議局近聞本港議政局昨經開門會議官紳畢集呈有公舉求請港督給以地段得建禮拜堂以勸居民咸知向善又議前因火警有某牆勢將傾塌官命工役拆去以免猝生意外致附近屋宇慘罹於厄惟是墻業主以災生无妄又被拆去其牆情形苦惱特擬情剖訴請官酌量給還修葺之費眾議須詳諸督轅爲之核奪施行焉○

試演電燈 昨有有嗜顛巴拉船燃放電燈以試其光所燭遠邇若何此時適遇陰晦星月無色而電光所燭如同白晝船中物無不可睹故咸鼓掌稱美不置焉○酒醉罹罰 扣馬士經向受僱於輪船充當伙長之職茲已賦閒遂借杯中物以消遣昨因酒醉失其常性沿途騷擾被拘到案官判罰銀五圓若不完繳監禁三個月充作苦工○行乞被拘 渣路科連因沿途托鉢有碍行人被拘到案官查舊牘悉其因此被拘者已三次矣乃判監禁作苦工三閱月○竊案 勞昌縫衣匠也因竊胡炳衣物值銀二十一圓被拘到案據胡炳供稱昨年五月與勞昌同居向安無異詎昨早勞昌外出見其携有衣物一包遂不復返頗涉疑駭查點篋筒則衣物烏有始知其行竊也十四日遇於途遂詰其衣物何在勞昌答以贖錢花用故呼差拘之也官錄供畢命將案詳果然後定讞

私烟罹罰 李金末領牌照私藏烟膏被拘到案官提訊畢判罰銀二十五圓若不完繳則監禁苦工六禮拜○毆案 黎義曾壽二人因與鴉路畢度囉士船舵工邊達爭毆爲差拘究先是黎義曾壽之渡船於十日下午約十點鐘時候爲風漂至鴉路畢度囉士船傍撞於一木上致不能擺脫船中人見之特放小艇欲爲助力而着渡船借與一纜俾得牢繫黎義二人不肯邊達遂躍登渡船取纜與小艇黎義大怒將手持之竹篙作富頭之棒喝官訊悉其情判罰銀十圓不完繳則監禁苦工十四日○命案 十六日經驗尸官偕陪審人員赴醫院考驗婦人黃氏之屍婦年約三十歲因服洋烟殞命官傳訊証人等畢判以自尋短見於人無尤○雌虎逞威 西婦士麼路就居於四方街以毆同屋僕婦被控於案經官提訊西婦供稱偶因請客向鄰人借有七箸以佐酒盤之需及客散去夜色已深遂將各物畧爲檢點然後就寢詎至翌早欲還七箸於鄰則覺失去一七因問僕婦有携往他處否遽以爲疑其行竊不勝忿恨大肆咆哮與之反唇相稽而僕婦竟脫其辰當面擲壁反以頭撞梁柱稱定不干休官以事屬細微申飭令去并將案註銷以省訟累

此新開報由香港歌賦街第五約門牌第三十九號中華印務總局王韜刊印